

MALAYSIA

DEWAN RAKYAT

ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI SELASA, 11 NOVEMBER 2014, PUKUL 10.00 PAGI

Bil. 46

PERTANYAAN-PERTANYAAN BAGI JAWAB LISAN

1. PR-1323-L65139
Dato' Sri Haji Abdul Azeez bin Abdul Rahim [Baling] minta **MENTERI KEWANGAN** menyatakan apakah usaha berterusan Kerajaan dalam memberikan penerangan mengenai GST kepada rakyat sebelum ia dilaksanakan April 2015.
2. PR-1323-L64073
Dr. Che Rosli bin Che Mat [Hulu Langat] minta **MENTERI TENAGA, TEKNOLOGI HIJAU DAN AIR** menyatakan jumlah kos pengurusan dan penyelenggaraan bulanan bangunan berstatus hijau Ibu Pejabat Suruhanjaya Tenaga di Putrajaya dan apakah langkah yang dilakukan bagi memastikan faedah pulangan kepada pelaburan dalam perkara ini dapat dicapai.
3. PR-1323-L64631
Puan Hajah Normala binti Abdul Samad [Pasir Gudang] minta **MENTERI SUMBER MANUSIA** menyatakan langkah yang diambil oleh pihak Kementerian bagi mengawal pengambilan tenaga mahir yang terdiri daripada warga asing berbanding warga Malaysia dalam sektor perkapalan bagi menjamin anak-anak daripada Akademi Laut Malaysia (ALAM) mendapatkan pekerjaan.
4. PR-1323-L65151
Dato' Haji Mahfuz bin Omar [Pokok Sena] minta **MENTERI PENDIDIKAN** menyatakan apakah status projek perolehan peralatan Digital Autopsy Diagnostic Station (DADS).
5. PR-1323-L65074
Tuan Masir Kujat [Sri Aman] minta **MENTERI PERUSAHAAN PERLADANGAN DAN KOMODITI** menyatakan adakah MPOB bercadang untuk menubuhkan sebuah kilang sawit untuk menampung pengeluaran buah sawit yang meningkat di kalangan petani kecil di sekitar Parlimen Sri Aman.

6. PR-1323-L64515
Tuan Gooi Hsiao-Leung [Alor Setar] minta **MENTERI PERDAGANGAN ANTARABANGSA DAN INDUSTRI** menyatakan kesan, perubahan dan faedah untuk negara kita apabila berkuatkuasanya integrasi ekonomi serantau ASEAN Economic Community (AEC) pada tahun depan 2015.
7. PR-1323-L65354
Tan Sri Dato Sri William Mawan Ikom [Saratok] minta **PERDANA MENTERI** menyatakan berapakah jumlah Orang Asli yang memegang jawatan dalam sektor perkhidmatan awam Gred 48 dan ke atas memandangkan Kerajaan dikatakan memberi keutamaan kepada kaum Orang Asli mengisi kekosongan jawatan dalam sektor perkhidmatan awam.
8. PR-1323-L64535
Tuan Su Keong Siong [Ipoh Timor] minta **MENTERI DALAM NEGERI** menyatakan status perbincangan dengan Kerajaan Amerika Syarikat untuk mendapat pengecualian Visa untuk pergi ke Amerika Syarikat. Apakah keperluan dan syarat-syarat yang perlu dipenuhi untuk mendapat status "*visa free travel*" ke Amerika Syarikat bagi rakyat Malaysia.
9. PR-1323-L63468
Tuan Haji Hasbi bin Haji Habibollah [Limbang] minta **MENTERI SUMBER MANUSIA** menyatakan :-
 - (a) mengapakah terdapat sebanyak 8 juta pekerja asing yang berdaftar di seluruh negara dan berapakah jumlah pekerja asing yang tidak berdaftar di seluruh negara sehingga kini; dan
 - (b) mengapakah tiada kawalan dilakukan terhadap banjir pekerja asing dan apakah impak banjir pekerja asing terhadap pasaran buruh tempatan walaupun Kementerian telah melaksanakan penetapan gaji minimum di seluruh negara.
10. PR-1323-L64690
Tuan Wan Hasan bin Mohd Ramli [Dungun] minta **MENTERI KEWANGAN** menyatakan mekanisme yang akan digunakan bagi menggantikan kebergantungan Kerajaan daripada pemerolehan hasil petroleum kepada GST.
11. PR-1323-L63508
Tuan Khoo Soo Seang [Tebrau] minta **MENTERI DALAM NEGERI** menyatakan sama ada Kerajaan sedar terdapat pihak-pihak yang memalsukan nama pertubuhan kakitangan Kerajaan untuk menipu peniaga-peniaga menghulurkan derma, bilangan kes aduan tersebut yang telah dilaporkan kepada pihak polis serta bilangan kes yang telah diambil tindakan undang-undang.

12. PR-1323-L63952
Tuan M. Kulasegaran [Ipoh Barat] minta **MENTERI SUMBER MANUSIA** menyatakan berikutan pekerja asing dipecat daripada pekerjaan dan mencari remedi di mahkamah. Adakah pekerja asing ini dijamin oleh Kerajaan supaya mendapat pekerjaan dalam sepanjang tempoh interim sehingga keputusan kes mahkamah diputuskan. Jika tidak, mengapa tidak.
13. PR-1323-L64023
Dato Sri Dr. Muhammad Leo Michael Toyad Abdullah [Mukah] minta **MENTERI PERUSAHAAN PERLADANGAN DAN KOMODITI** menyatakan apakah langkah-langkah yang diambil oleh Kerajaan untuk terus menjaga kedudukan pasaran lada negara terus menjaga pendapatan tinggi.
14. PR-1323-L63983
Tuan Lim Guan Eng [Bagan] minta **MENTERI TENAGA, TEKNOLOGI HIJAU DAN AIR** menyatakan keengganan menyelesaikan kemelut penjualan air mentah berhubung langkah kerajaan Perak yang hanya mahu menjual air terawat sahaja kepada Pulau Pinang sebagaimana dicadangkan dalam Skim Bekalan Air Mentah Sungai Perak (SPRWTS), sedangkan kini hanya air mentah sahaja dijual antara negeri-negeri.
15. PR-1323-L63444
Datuk Dr. Haji Abd. Latiff bin Haji Ahmad [Mersing] minta **MENTERI KEMAJUAN LUAR BANDAR DAN WILAYAH** menyatakan berapa jumlah yang dibelanjakan dari tahun 2000 hingga 2013 dalam usaha Kementerian memberi bantuan di bawah Program Pembangunan Modal Insan (PBMI). Berapa ramai kumpulan sasaran yang dibantu dan sejauh manakah kejayaan dalam usaha membangun minda supaya lebih bermotivasi untuk berusaha meningkatkan ilmu, kemahiran dan pendapatan keluarga.
16. PR-1323-L64188
Tuan Oscar Ling Chai Yew [Sibu] minta **MENTERI KEWANGAN** menyatakan adakah "*Maintenance Fee*" yang dibayar oleh pemilik pangsapuri akan dikecualikan GST. Jika tidak, adakah Kerajaan bercadang untuk mengecualikan GST ke atas "*Maintenance Fee*" yang dikenakan kepada penduduk pangsapuri, melihat ia merupakan suatu bebanan untuk mereka.
17. PR-1323-L65313
Datuk Sapawi bin Ahmad Wasali [Sipitang] minta **MENTERI PENDIDIKAN** menyatakan adakah pihak Kementerian bercadang untuk mewajibkan pembelajaran subjek pendidikan Islam atau pendidikan Moral di peringkat universiti kerana kita lihat betapa pentingnya pemantapan insaniah secara berterusan agar dapat membentuk generasi muda yang berakhlak mulia.

18. PR-1323-L64947
Tuan Chong Chieng Jen [Bandar Kuching] minta **MENTERI LUAR BANDAR DAN WILAYAH** menyatakan siapakah kontraktor-kontraktor yang disenaraikan untuk sebut tender dalam tender terhad untuk projek pembinaan Jalan Poi/Ngemah/Temalat/Song/Kapit, Seksyen C Fasa 3, Pakej B, Jalan Song/Sg.Yong, Kapit Sarawak. Siapakah yang akhirnya dipelawa projek tersebut dan apakah amaun yang disebutkan dalam tendernya.
19. PR-1323-L65132
Dato' Ahmad Fauzi bin Zahari [Setiawangsa] minta **PERDANA MENTERI** menyatakan apakah kaedah, spesifikasi alat atau pemboleh ubah yang diguna pakai oleh pihak JAKIM, UIA dan YADIM bagi menterjemah kadar Indeks Syariah yang bakal diguna pakai pada tahun hadapan. Bagaimanakah persepsi masyarakat ini cuba dinilai melalui tolok saintifik.
20. PR-1323-L63569
Tuan Idris bin Haji Ahmad [Bukit Gantang] minta **MENTERI KEWANGAN** menyatakan berapakah perbelanjaan pihak Kerajaan dan Khazanah bagi kos juru runding dan butiran kos berkaitan untuk melaksanakan dan kemudian membubarkan kerjasama MAS-AirAsia.
21. PR-1323-L65324
Datuk Rozman bin Isli [Labuan] minta **MENTERI WILAYAH PERSEKUTUAN** menyatakan adakah Kementerian sedar bahawa Labuan sedang mengalami kekurangan tanah perindustrian yang sangat kritikal disebabkan oleh permintaan meningkat tinggi disebabkan pembangunan pesat industri minyak dan gas. Adakah perancangan untuk membina jalan-jalan baru bagi membolehkan pembangunan baru dilaksanakan dengan segera.
22. PR-1323-L65112
Dato' Seri Abdul Hadi bin Awang [Marang] minta **PERDANA MENTERI** menyatakan apakah tindakan proaktif Kerajaan dalam menyelesaikan isu pertindihan kuasa antara Mahkamah Syariah dan Mahkamah Sivil rentetan daripada meningkatnya kes-kes berkaitan pertikaian hak penjagaan anak antara ibu bapa berlainan agama.
23. PR-1323-L64661
Datuk Seri Noh bin Haji Omar [Tanjong Karang] minta **MENTERI PEMBANGUNAN WANITA, KELUARGA DAN MASYARAKAT** menyatakan berapakah jumlah kes yang telah ditemui oleh pihak Kementerian semenjak dari tahun 2010 sehingga 2013 seperti yang berlaku kepada adik Muhammad Firdaus Dullah yang telah dikurung dan didera sehingga mengalami masalah kesihatan yang teruk.

24. PR-1323-L64171
Puan Alice Lau Kiong Yieng [Lanang] minta **MENTERI PENDIDIKAN** menyatakan langkah untuk mengelakkan soalan-soalan peperiksaan bocor dan apakah tindakan yang telah diambil untuk mengatasi masalah tersebut serta apakah hukuman yang akan dikenakan kepada pihak yang bertanggungjawab tidak kira kebocoran soalan adalah secara sengaja atau tidak sengaja.
25. PR-1323-L63827
Tuan Haji Ahmad Nazlan bin Idris [Jerantut] minta **MENTERI SUMBER ASLI DAN ALAM SEKITAR** menyatakan apakah langkah-langkah yang diambil oleh Kementerian terhadap projek pembangunan yang dijalankan di kawasan eko pelancongan yang telah mengganggu alam sekitar secara tidak terkawal.
26. PR-1323-L65064
Puan Teo Nie Ching [Kulai] minta **PERDANA MENTERI** menyatakan bilangan biasiswa JPA yang diberikan kepada mahasiswa jurusan perubatan di universiti / kolej swasta di Malaysia.
27. PR-1323-L63393
Datuk Aaron Ago anak Dagang [Kanowit] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan sama ada Kementerian sedar bahawa banyak masalah dan keperluan rakyat tempatan di bawah Majlis Daerah atau Pihak Berkuasa Tempatan (PBT), seperti tempat pelupusan sampah, tempat parking, sistem perparitan, jalan kampung, *street lightings*, dan lain-lain yang sering tidak mencukupi, terutamanya di bandar-bandar atau pekan-pekan kecil di kawasan pedalaman terutama di Sarawak. Apakah tindakan Kerajaan dalam menyelesaikan masalah ini.
28. PR-1323-L64880
Tuan Mohd Rafizi bin Ramli [Pandan] minta **PERDANA MENTERI** menyatakan kaedah bagaimanakah rasionalisasi subsidi minyak mengikut tahap pendapatan akan dilaksanakan, bilakah ia akan dilaksanakan dan berapa ramai rakyat Malaysia yang masih dapat membeli petrol dan diesel bersubsidi penuh apabila ia dilaksanakan.
29. PR-1323-L64122
Dato' Haji Abdul Rahman bin Haji Mohamad [Lipis] minta **MENTERI KEMAJUAN LUAR BANDAR DAN WILAYAH** menyatakan tindakan Kementerian bagi membantu Pihak Berkuasa Kemajuan Pekebun Kecil Perusahaan Getah (RISDA) menjayakan segala agenda dan dasar Kerajaan untuk memartabatkan industri getah ke peringkat lebih tinggi. Ini penting kerana harga getah tidak menentu sekarang ini dan menyebabkan penoreh getah menderita.

30. PR-1323-L64746
Puan Hajah Zuraidda binti Kamaruddin [Ampang] minta **MENTERI DALAM NEGERI** menyatakan :-
- (a) statistik bilangan pendatang tanpa izin dan pekerja asing yang terlibat dalam kes jenayah; dan
 - (b) apakah pelan tindakan pihak kementerian dalam memastikan statistik jenayah yang melibatkan warga asing ini dapat dikawal.
31. PR-1323-L63679
Dato' Abdul Manan bin Ismail [Paya Besar] minta **MENTERI PERTAHANAN** menyatakan sumbangan Kerajaan setakat ini untuk wira Lahad Datu di Sabah selain bantuan kewangan semata-mata selepas ada dakwaan pihak tertentu yang menyatakan Kerajaan memberi tumpuan lebih kepada waris mangsa tragedi MH370 dan MH17.
32. PR-1323-L64942
Datuk Haji Datu Nasrun bin Datu Mansur [Silam] minta **PERDANA MENTERI** menyatakan :-
- (a) apakah perancangan pihak Kerajaan dalam menyusun semula penempatan Kampung Air di kawasan Pantai Timur Sabah; dan
 - (b) apakah pula usaha Kerajaan untuk memastikan rakyat tempatan di kawasan kampung air tidak terjejas dari aspek penempatan di kawasan bandar dan peluang perumahan.
33. PR-1323-L63331
Dr. Azman bin Ismail [Kuala Kedah] minta **MENTERI KESIHATAN** menyatakan mutu dan prestasi graduan perubatan daripada berbagai universiti dalam dan luar negara yang beramal di Malaysia. Institusi manakah yang dianggap mengeluarkan graduan terbaik, yang mana pula mengeluarkan graduan paling bermasalah.
34. PR-1323-L63988
Datuk Zahidi bin Zainul Abidin [Padang Besar] minta **MENTERI KEWANGAN** menyatakan adakah Kerajaan bercadang menubuhkan Bank Wakaf Malaysia bagi menyokong keperluan kewangan para usahawan Muslim negara ini berlandaskan konsep wakaf membangunkan perniagaan patuh syariah.

35. PR-1323-L64830
Tuan Shamsul Iskandar bin Mohd Akin [Bukit Katil] minta **MENTERI PENGANGKUTAN** menyatakan pendirian Kerajaan mengenai penggunaan paparan jenama syarikat penerbangan di tempat daftar masuk dan di paparan sistem maklumat penerbangan di KLIA 2 serta promosi destinasi penerbangan sesuai dengan kempen tahun melawat Malaysia 2014 memandangkan ia tidak berlaku di KLIA 2.
36. PR-1323-L64389
Dato' Mohd Ariff Sabri bin Abdul Aziz [Raub] minta **MENTERI PERTANIAN DAN INDUSTRI ASAS TANI** menyatakan :-
- (a) adakah pihak Kementerian bercadang untuk mewujudkan pusat-pusat pengumpulan harga di mana para penanam boleh menghantar secara langsung ke tempat ini ; dan
 - (b) bagaimana pihak Kementerian bercadang menyelesaikan tuduhan yang mengatakan pihak FAMA menjual hasil pertanian petani lebih mahal daripada harga saingan. Contoh: buah durian dari Singapura lebih murah dari buah durian yang dijual oleh FAMA.
37. PR-1323-L63371
Laksamana Pertama Mohamad Imran bin Abd Hamid (B) [Lumut] minta **PERDANA MENTERI** menyatakan bilakah Kerajaan akan menarik semula atau memansuhkan perintah darurat memandangkan Malaysia telah merdeka selama 57 tahun.
38. PR-1323-L63809
Dato' Dr. Tan Kee Kwong [Wangsa Maju] minta **MENTERI PERDAGANGAN ANTARABANGSA DAN INDUSTRI** menyatakan tentang perkembangan TPPA. Adakah perkara ini diteruskan atau tidak.
39. PR-1323-L63760
Dato' Haji Mohd Zaim bin Abu Hasan [Parit] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan mekanisme yang digunakan Kementerian dalam mengawal dan menyelia harga rumah yang semakin tidak masuk akal.
40. PR-1323-L64894
Tuan Julian Tan Kok Ping [Stampin] minta **MENTERI PERTAHANAN** menyatakan mengikut jawapan daripada Dewan Rakyat no.30 pada 13 November 2008 menyatakan peruntukan kajian perolehan AEWACS dalam RMK-9 ialah RM 1 juta, berapakah peruntukan kajian dalam RMK-10 dan keputusan kajian terkini.

41. PR-1323-L64300
Tuan Haji Khalid bin Abdul Samad [Shah Alam] minta **MENTERI KERJA RAYA** menyatakan sama ada Hospital Shah Alam akan mula beroperasi pada Oktober tahun ini seperti yang dijanjikan dan sekiranya tidak, mengapa.
42. PR-1323-L64027
Tuan Zairil Khir Johari [Bukit Bendera] minta **MENTERI PELANCONGAN DAN KEBUDAYAAN** menyatakan kenapa Kementerian tidak menguatkuasakan pengambilan wang deposit, jaminan bank atau insurans oleh syarikat-syarikat pelancongan, agar dapat digunakan sebagai pampasan sekiranya syarikat gagal menunaikan janji.
43. PR-1323-L64646
Tuan Wong Ling Bui [Sarikei] minta **PERDANA MENTERI** menyatakan apakah langkah-langkah yang telah diambil untuk membanteras masalah isu perkauman dan perselisihan agama di negara ini. Apakah punca-punca utama yang mengakibatkan berlakunya masalah-masalah perkauman yang berleluasa.
44. PR-1323-L64764
Datuk Hajah Norah binti Abd Rahman [Tanjong Manis] minta **MENTERI BELIA DAN SUKAN** menyatakan sama ada Kementerian bercadang untuk melobi badan sukan antarabangsa seperti FIFA dan badan sukan Olimpik agar mengambil kira kalendar Islam (iaitu bulan Ramadan, Hari Raya Puasa dan Hari Raya Haji) agar tidak bertindih dengan acara sukan dunia memandangkan semakin ramai atlit beragama Islam yang menyertai sukan bertaraf dunia.
45. PR-1323-L64358
Datuk Ahmad Jazlan bin Yaakub [Machang] minta **MENTERI KEMAJUAN LUAR BANDAR DAN WILAYAH** menyatakan :-
- (a) pelan tindakan yang telah dirangka bagi menaik taraf prasarana kampung yang masih dalam keadaan uzur supaya taraf kehidupan masyarakat luar bandar dan bandar tidak terlalu tinggi jurang perbezaannya ; dan
 - (b) adakah Kementerian meneliti secara serius terhadap taraf hidup dan pembangunan masyarakat luar bandar kerana masih ada kawasan yang tidak mempunyai kemudahan asas seperti bekalan air bersih.
46. PR-1323-L64782
Datuk Wira Haji Ahmad bin Hamzah [Jasin] minta **PERDANA MENTERI** menyatakan input, output, outcome dan impak penubuhan EKUINAS dan TERAJU pada masa ini serta unjuran yang sama pada tahun 2015 dan 2020, selaras dengan usaha untuk melengkapkan (*to complement*) peranan PNB.

47. PR-1323-L63803
Datuk Liang Teck Meng [Simpang Renggam] minta **MENTERI BELIA DAN SUKAN** menyatakan adakah penjualan tiket perlawanan bola Liga Malaysia akan dijual secara "*online*" untuk mengelakkan masalah kekecohan dan penjualan tiket secara haram.
48. PR-1323-L63483
Datuk Dr. Makin @ Marcus Mojigoh [Putatan] minta **MENTERI SUMBER ASLI DAN ALAM SEKITAR** menyatakan :-
- (a) pelan tindakan yang telah diambil oleh pihak Kementerian dalam menangani isu pemanasan global; dan
 - (b) Pelan Mitigasi dan Adaptasi yang diambil oleh Kementerian dalam isu ini memandangkan masih ramai golongan tani yang bertani dengan kaedah "Mengikut Musim".
49. PR-1323-L63599
Tuan Sim Tong Him [Kota Melaka] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan :-
- (a) syarat-syarat utama mengenai bahasa-bahasa yang dibenarkan di bawah Akta Periklanan dan Papan Tanda; dan
 - (b) bagaimanakah dengan penguatkuasaan terhadap banting dan papan tanda haram oleh kegiatan " along " dan orang-orang tertentu dan adakah Kementerian bercadang meminda akta ini supaya ia lebih berkesan.
50. PR-1323-L63398
Tuan Wong Tien Fatt @ Wong Nyuk Foh [Sandakan] minta **PERDANA MENTERI** menyatakan apakah status yang terkini bagi Laporan Siasatan Diraja (RCI) terhadap masalah PATI di negeri Sabah. Memandangkan YB Menteri telah menjawab soalan ini di sesi parlimen yang lalu bahawa laporan itu telah disediakan pada 21 Mei tahun ini, mengapakah ia ditangguhkan sepanjang lima bulan dan tidak diumumkan.

- | | | | |
|---------------------------------|---------------|--|--|
| 2. | (D.R 19/2014) | Rang Undang-undang Kewangan (No.2) 2014 | Bacaan Kali Yang Kedua |
| [Menteri Kewangan] | | | |
| 3. | (D.R 10/2014) | Rang Undang-undang Penjara (Pindaan) (No.2) 2014 -
Menyambung semula Perbahasan atas masalah, “Bahawa Rang Undang-undang ini dibacakan kali yang kedua sekarang” (9 Oktober, 2014) | |
| [Menteri Dalam Negeri] | | | |
| 4. | (D.R 11/2014) | Rang Undang-undang Kewangan (Pindaan) 2014 | Tatacara Bacaan Kali Yang Kedua |
| [Menteri Kewangan] | | | |
| 5. | (D.R 13/2014) | Rang Undang-undang Kumpulan Wang Amanah Negara (Pindaan) 2014 | “ |
| [Menteri Kewangan] | | | |

- | | | | |
|-----|---------------|--|---|
| 6. | (D.R 12/2014) | Rang Undang-undang Wang Tak Dituntut (Pindaan) 2014 | “ |
| | | [Menteri Kewangan] | |
| 7. | (D.R 14/2014) | Rang Undang-undang Kumpulan Wang Pinjaman Perumahan (Pindaan) 2014 | “ |
| | | [Menteri Kewangan] | |
| 8. | (D.R 16/2014) | Rang Undang-undang Suruhanjaya Syarikat Malaysia (Pindaan) 2014 | “ |
| | | [Menteri Perdagangan Dalam Negeri, Koperasi dan Kepenggunaan] | |
| 9. | (D.R 17/2014) | Rang Undang-undang Pendaftaran Perniagaan (Pindaan) 2014 | “ |
| | | [Menteri Perdagangan Dalam Negeri, Koperasi dan Kepenggunaan] | |
| 10. | (D.R 18/2014) | Rang Undang-undang Perkongsian Liabiliti Terhad (Pindaan) 2014 | “ |
| | | [Menteri Perdagangan Dalam Negeri, Koperasi dan Kepenggunaan] | |
11. **Menteri Kewangan** akan mencadangkan:-
- “Bahawa Dewan ini, mengikut peruntukan subperenggan 8(3)(a)(iv) Akta Tatacara Kewangan 1957 [Akta 61], mengambil ketetapan bersetuju supaya Kerajaan Malaysia melalui Menteri Kewangan (Diperbadankan), membuat pelaburan dengan menukarkan pinjaman Kerajaan Malaysia sebanyak RM400 juta kepada Malaysia Debt Ventures Berhad (MDV), sebuah syarikat yang dimiliki oleh Menteri Kewangan (Diperbadankan) kepada ekuiti bersamaan dengan Empat Ratus Juta (400,000,000) unit saham biasa pada nilai RM1 bagi satu unit saham”.

12. **Menteri Kewangan** akan mencadangkan:-

"Bahawa Dewan ini, mengikut peruntukan di bawah Seksyen 10(4)(a) Akta Tatacara Kewangan 1957, membuat ketetapan bersetuju supaya Jadual Kedua Akta tersebut dipinda dengan menambah kepadanya butiran baru seperti berikut:-

"Kumpulan Wang Amanah Tabung Konservasi Sumber Asli Nasional"

13. **Menteri Kewangan** akan mencadangkan:-

"Bahawa Dewan ini, mengikut peruntukan di bawah Seksyen 10(4)(a) Akta Tatacara Kewangan 1957, membuat ketetapan bersetuju supaya Jadual Kedua Akta tersebut dipinda dengan menambah kepadanya butiran baru seperti berikut:-

"Kumpulan Wang Amanah Fi Jaminan"

14. PR-1323-U63530

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, ketiadaan "Standby Generator" di Klinik Kesihatan Putatan telah menimbulkan banyak kerumitan kepada pengguna dan pengendali Klinik Kesihatan Putatan. Dan mengambil maklum juga, bahawa dengan kekerapan gangguan bekalan elektrik yang dihadapi oleh Negeri Sabah pada ketika ini, ada kalanya klinik tersebut tidak dapat berfungsi sehingga beberapa jam sehari dan dikhuatiri akan mendatangkan kemudaratan dalam kes kecemasan. Dan mengambil maklum juga bahawa, para pengguna Klinik Kesihatan Putatan bukan sahaja yang datang daripada daerah Putatan tetapi juga dari kawasan berdekatan seperti Tanjung Aru, Kepyau, Petagas dan Kinarut. Dan mengambil maklum juga bahawa, selain keadaan gelap gelita dan kelam kabut ketika berlaku gangguan bekalan elektrik, ianya juga membuatkan rakyat mula merungut tentang mutu perkhidmatan kesihatan yang disediakan oleh pihak Kementerian. Maka, bagi mengatasi masalah, Dewan ini hendaklah mengambil ketetapan bahawa, pihak Kementerian hendaklah memasang "Standby Generator Set" bagi Klinik Kesihatan Putatan."

[Kementerian Kesihatan]

15. PR-1323-U63531

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, gangguan bekalan elektrik di negeri Sabah kian menjadi-jadi di mana dikatakan daripada tahap teruk kepada tahap parah".

Dan mengambil maklum juga, bahawa setiap kali gangguan bekalan elektrik berlaku, terdapat banyak rungutan dari kalangan rakyat mengenai dengan kerugian daripada segi produktiviti, hasil dan juga kerosakan harta benda. Dan mengambil maklum juga bahawa setiap gangguan bekalan elektrik berlaku, wakil rakyat akan diburu dan dipersalahkan. Dan mengambil maklum juga bahawa, kenyataan demi kenyataan oleh pihak berwajib bahawa gangguan bekalan elektrik di negeri Sabah akan dapat diatasi tetapi sehingga kini gangguan bekalan elektrik tetap berlaku malah semakin kerap. Maka, demi untuk kesejahteraan rakyat, Dewan ini hendaklah mengambil ketetapan bahawa, pihak Kementerian mengambil satu tindakan yang drastik jangka pendek dan jangka panjang bagi mengatasi masalah gangguan bekalan elektrik di negeri Sabah. "

[Kementerian Tenaga, Teknologi Hijau dan Air]

16. PR-1323-U63540

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, sejak akhir-akhir ini, terdapat banyak seruan untuk membawa negeri Sabah dan Sarawak keluar daripada Persekutuan Malaysia. Dan mengambil maklum juga, bahawa seruan ini adalah kononya berikutan dengan ketidakpuasan hati segelintir rakyat di kedua-dua negeri ini mengenai dengan isu-isu seperti royalti minyak, tarikh kemerdekaan, pengagihan dana pembangunan serta status ekonomi Bumiputera Negeri Sabah dan Sarawak. Dan mengambil maklum juga bahawa, dalam kes negeri Sabah, Isu Pembentangan Laporan Suruhanjaya Siasatan Diraja mengenai pendatang asing tanpa izin yang dikatakan dilengahkan serta kebanjiran pendatang asing tanpa izin ke negeri Sabah yang dikatakan telah menggugat keselamatan negara, telah memburukkan lagi keadaan. Dan juga mengambil maklum bahawa, sentimen Anti-Persekutuan dan sentimen Anti Sabah dan Sarawak yang dimainkan oleh segelintir pihak kini kian merebak dengan serius dan, ini kalau tidak ditangani dengan kadar segera akan menyebabkan kacau bilau dan menggugat keharmonian negara. Serta mengambil maklum juga bahawa, terdapat juga kenyataan-kenyataan pemimpin Kerajaan, NGO dan orang perseorangan yang dianggap kurang sensitif kepada perasaan penduduk negeri Sabah dan Sarawak. Maka, bagi menangani masalah ini, Dewan ini hendaklah mengambil ketetapan bahawa, Kerajaan hendaklah mengambil tindakan tegas kepada mereka yang bertanggungjawab, sama ada dari pihak awam, NGO, pemimpin Kerajaan dan pembangkang agar sentimen Anti-Persekutuan serta anti Sabah dan Sarawak dapat dibendung. Kerajaan juga hendaklah bertindak untuk menutup mana-mana laman sosial yang telah dibuktikan terlibat dalam gejala ini."

[Kementerian Dalam Negeri]

17. PR-1323-U63554

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, kemalangan yang melibatkan maut terutama sekali kenderaan awam kian meningkat kerana disebabkan oleh pemanduan laju. Dan mengambil maklum juga, bahawa kadar kemalangan ini meningkat terutama sekali dalam musim perayaan di mana para pengusaha dan pemandu kenderaan pengangkutan awam cuba memaksimumkan keuntungan dengan tanpa menghiraukan keselamatan penumpang. Dan mengambil maklum juga bahawa, pihak berkuasa seperti Suruhanjaya Pengangkutan Awam Darat, Jabatan Pengangkutan Jalan dan Polis Diraja Malaysia menghadapi kekangan kekurangan tenaga anggota serta jarak untuk menguatkuasakan had laju. Dan mengambil maklum juga bahawa, kuasa pengguna (penumpang) kenderaan pengangkutan awam boleh membantu pihak berkuasa untuk menentukan had laju kenderaan yang mereka tumpang dengan menegur pemandu tersebut apabila mereka melepasi had laju yang dibenarkan. Dan mengambil maklum juga bahawa pemasangan meter kelajuan kedua serta alat penggera di dalam kenderaan pengangkutan awam akan membolehkan para penumpang menyedari bahawa kenderaan yang mereka naiki telah melepasi had laju yang dibenarkan dan sekali gus menegur si pemandu tadi dan ini dapat mengelakkan kemalangan daripada berlaku. Maka, bagi menangani masalah kemalangan yang disebabkan oleh pemanduan laju, dewan ini hendaklah mengambil ketetapan bahawa, semua kenderaan pengangkutan awam hendaklah dipasang dengan meter kelajuan kedua dan alat penggera. "

[Perdana Menteri]

18. PR-1323-U63967

Tuan M. Kulasegaran [Ipoh Barat] akan mencadangkan:-

"Bahawa Dewan ini mengambil maklum bahawa Kerajaan telah gagal untuk perhatin terhadap situasi pemerdagangan manusia dan mengambil tindakan dalam kes-kes pemerdagangan manusia sehingga Malaysia telah turun gred sehingga ke Tahap 3 (Tier 3) seperti yang dilaporkan oleh Kerajaan Amerika Syarikat dalam Laporan Pemerdagangan Orang 2014 (Trafficking in Persons Report 2014). Dalam keadaan ini Dewan ini mengarah Perdana Menteri mengambil tindakan untuk mengatasi masalah ini dengan segera."

[Kementerian Dalam Negeri]

19. PR-1323-U64509

Dr. Tan Seng Giaw [Kepong] akan mencadangkan:-

"Bahawa Dewan ini membahaskan dasar dan langkah untuk mencegah ekstremisme di Malaysia. "

[Kementerian Dalam Negeri]

20. PR-1323-U64511

Dr. Tan Seng Giaw [Kepong] akan mencadangkan:-

"Bahawa Dewan ini membincangkan dasar perubahan iklim."

[Kementerian Sumber Asli dan Alam Sekitar]

21. PR-1323-U65224

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mempertimbangkan cadangan untuk kes kematian di bawah tahanan Polis Di Raja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan"

[Kementerian Dalam Negeri]

22. PR-1323-U65226

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia."

[Kementerian Pendidikan]

RISALAT-RISALAT YANG DIBAWA KE DALAM MESYUARAT
(DEWAN RAKYAT)

<u>TAHUN</u> <u>2014</u>	<u>RISALAT/DOKUMEN</u>	<u>TARIKH</u> <u>DIBENTANGKAN</u>
DR.9	Laporan Jawatankuasa Kira-Kira Wang Negara Parlimen Ketiga Belas – Pengurusan Loji Insinerator (Kementerian Kesejahteraan Bandar, Perumahan & Kerajaan Tempatan)	11 November 2014